

佛說金耀童子經

路五

西天譯經三藏聖教太子試鴻臚明教師臣悉曇奉 詔譯

如是我聞一時佛在舍衛國祇樹給孤獨園  
舍衛大城次第乞食有一婆羅門出於舍衛  
逢見世尊久視容儀乃發言詞而伸讚詠瞿

中

曇汝面最上金色端嚴世尊印言如是如是  
我所作福乃獲斯報婆羅門言瞿曇我今現  
世亦有福德於其家中生一童子金色光輝  
容儀相好可似瞿曇得未曾有復次瞿曇  
時童子初生之時更有殊妙吉祥之事初生  
之時心意安泰諸識明利於其庭中忽生蓮

華滿室天香恒時芬芳一切眾生皆愛樂  
復次瞿曇此未殊妙亦未希有復次童子初  
生之時瞻蔔花樹處處出生彼樹執持瞻蔔  
妙花天紫金色復次瞿曇如此殊祥猶未希  
有復次童子初生之時諸天金盤自然出現  
滿其盤中盛天飲食百千萬種假使食者無

有窮盡復次瞿曇如斯感應猶未希奇  
童子初生之時口出音聲有佛世尊及阿羅  
漢等出現世間乃至行住常所思念婆羅門  
說此童子吉祥事已而告佛言往詣彼處為  
見童子世尊默然詣彼舍宅欲入之時中間  
有優婆塞而白佛言勿入此舍彼婆羅門於

佛法中不能信敬世尊答言比婆羅門亦具  
信根是時世尊答優婆塞已便入婆羅門舍  
見其童子是時童子纔見世尊便往歸依五  
體投地佛便呪願如是彼諸苾芻從佛往詣  
亦見童子佛呪願已與諸苾芻迴歸精舍  
時童子後漸長大舍衛國主波斯匿王聞彼  
婆羅門有如是德行生其貴子遂遣使臣廣  
執花鬘栴檀寶香詣婆羅門家圍遶童子而  
伸宣請童子答言候我先到祇樹禮拜世尊  
而入舍衛見波斯匿王使臣迴已具奏前事  
波斯匿王聞其奏已我今亦往祇樹禮觀世  
尊見彼童子是時童子尋詣祇樹於其中路

見一婆羅門而問童子汝今何往童子答言  
欲往祇樹禮觀世尊婆羅門呵責童子云何  
廣名婆羅門族生已要去欲見沙門童子對  
言汝得珍寶大藏不要持寶歸舍汝得吉祥  
面前而來却乃執棒打退童子對已便往祇  
樹到世尊所作禮佛足於面前座而為聽法

略五

本生適意天妙蓮花生彼祇樹園中其香芬  
馥徧滿一切智慧忽生我今持此蓮花供養  
世尊而復思惟我先生時瞻蔔迦樹世所希  
有於發心時瞻蔔迦樹而自出生其樹執持  
瞻蔔迦花天紫金色即時童子以手掬瞻蔔  
花散世尊上所散之花任佛身上莊嚴佛身

其中或有住佛頂上任佛懷中任佛足下其  
中或有成花鬘衣如是種種供養時王驚怪  
問童子言汝云何供養作如是神力童子答  
言我於祇樹作如是一切莊嚴彼時童子又  
生最上智慧我瞻蔔迦樹隨我發心生瞻蔔  
花其花或生樹身或生果上或生樹枝或生

葉上其瞻蔔花亦有出現任虛空中又於祇  
園虛空之中出現一切金寶鈴鐸彼時童子  
禮世尊足白言世尊受我今日施世尊食及  
諸苾芻國王侍從普受我供世尊默然受請  
待擊捷稚時到即時世尊安詳而坐及諸苾  
芻國王臣從次下而坐是時生最上微妙思

慧思憶我昔生時有金盤出現滿中天食願  
得現前持來供佛作是念已本生金盤隨心  
出現諸天上味滿其盤中是時童子即持金  
盤及以飲食親自供養是時世尊與諸苾芻  
國王侍從食已飽滿金耀童子心大歡喜禮  
世尊足發阿耨多羅三藐三菩提心此後善

略五

三

根增長諸發心願廣行法施救度有情我後  
方取成佛未救度者與作救度未安樂者施  
其安樂未寂靜者皆令寂靜尔時世尊因為  
童子發心次第說地獄相所謂阿毗地獄疱  
地獄疱裂地獄阿吒鷄訶訶鍍護鍍青蓮  
花紅蓮花大紅蓮花從此出已而入八熱地

獄次第皆因惑業所感若有智慧說我救法  
彼得清涼

尔時世尊說此語時青黃赤白四色光明從  
口而出其中光明有上去空中有下入地獄  
照彼等活黑繩衆合號叫大號叫焔熱極焔  
熱阿毗地獄及疱地獄疱裂地獄阿吒嚩訶

訶鍍護護鍍青蓮花紅蓮花大紅蓮花若去  
焔熱地獄彼得清涼若入寒冰地獄彼得温  
暖而彼衆生為發勝心我等云何得此處命  
終轉生餘趣如是彼發心已世尊為生變化  
光明造發變化令彼得見既得見已我等從  
此命終之後決定不生諸餘惡處今未曾見

此處衆生得受無為勝光為發信心受地獄  
業盡各各得生人間天上真實得受若是光  
明照彼上方四大王天忉利天夜摩天兜率  
天樂變化天他化自在天梵衆天梵輔天大  
梵天少光天無量光天極光靜天少靜天無  
量靜天徧靜天無雲天福生天廣果天無想

天無煩天無熱天善現天善見天色究竟天  
光明到已出如是聲演說苦空無常無我說  
二伽陀曰  
出光勸化汝 歸依佛法僧 抖擻死魔軍  
如象離繫縛 若入此法中 志心行不退  
所以斷輪迴 諸苦悉皆盡

尔時光明徧照三千大千世界救度有情如  
是光明却還佛身隨世尊後

尔時世尊欲得授記過去業所放光明於其  
佛身後入欲得授記未來業其光於佛面前  
而入欲得授記生地獄者其光從佛足下而  
入欲得授記生畜生者其光從佛足跟而入

路五

四

欲得授記生餓鬼者其光從佛脚足大母指  
而入欲得授記生人中者其光從佛膝下而  
入欲得授記力輪王者其光從佛左手掌而  
入欲得授記轉輪王者其光從佛右手掌而  
入欲得授記生天者其光從佛臍間而入欲  
得授記聲聞菩提者其光從佛胷臆而入欲

得授記緣覺者其光從佛眉間而入欲得授  
記阿耨多羅三藐三菩提者其光從佛頂門  
而入

尔時世尊所放光明遶身三帀入世尊頂尔  
時尊者阿難合掌恭敬而白世尊種種顏色  
百千莊嚴從口而出周徧十方普皆照耀而

說偈言

是非久遠離	煩惱皆遣除	世間佛最上
勝因報不虛	如螺蓮花白	降魔佛現光
當時魔自去	安定妙智慧	令聲聞求佛
牟尼安定聲	如牛王最上	除諸疑網淨
無有冤家縛	如水壞於塩	正覺說現光

佛與誰授記 彼聞安定樂 此衆人歡喜  
佛言如是如是阿難陀非無因果阿難如來  
應供正徧知正覺正說阿難陀見此童子作  
如是供養於我善根深固發心施法經三大  
阿僧祇劫修行菩提成就大悲六波羅蜜觀  
行圓滿成等正覺名金耀如來十力具足四

路五

五

智圓明三密不共念與大悲若我等往昔發  
心亦爲行此法施

尔時波斯匿王問世尊此童子作何行業得  
如是富貴世尊答言此童子於往昔過去生  
中廣作福業之因於今世中得獲斯報又此  
童子昔種業因之時至心不退於今世中誰  
免斯報大王所作之業得受報時如地界無  
盡水界無盡火界無盡風界無盡如是等蘊  
界六塵作業獲報無有窮盡童子至心昔種  
福因今生得報無盡乃至善惡一業業報無  
盡假使經於百劫業至須受其報大王過去  
世時波羅奈國有王名曰闍軍彼有太子名  
吉祥密彼時父王廣作罪業太子見父作罪  
心驚毛豎而告王曰我去修行王言只汝一  
子我今云何教去修行吉祥密言我須離父  
必去修行童子言若金銀象馬宮人庫藏心  
無貪著亦無受樂受用後便修行三十七品  
菩提分法得證緣覺菩提無數百千天人而

來供養餘人見已具告王曰太子得如是功德時王聞已欲見其子出於宮闕四兵隨從有一貧人見王坐於最上象背上妙衣服而用嚴飾妙香塗身傘蓋覆上四兵圍遶彼生智慧此王手足腹肚頭面肩背與我無異因何乘坐最上大象妙衣嚴飾妙香塗身傘蓋覆上四兵圍遶復次我身累世慳貪未曾捨施令我今世受如是苦是事乏短不能捨施云何我得生彼人中又問王曰未知大王何處而去彼聞軍王言我有一子名吉祥密出外修行證得緣覺菩提若復有人少許供養後獲大果王荅問已而復前去其王子時忽見群鹿王愛彼鹿而赴逐之彼時貧人審諦思惟王貪赴鹿我今此時願見緣覺是時貧人漸漸前行入山谷中見彼緣覺身量巍巍心意寂靜有無量百千賢聖周迴圍遶散曼陀羅花積至于膝是時貧人高聲啼哭甚大悲痛而復懊惱是時百千賢聖供養畢已而

路五

六

復還去貧人悟解我今將何供養緣覺去此不遠有菴沒羅樹是時貧人取最上菴沒羅果以鉢滿盛供養緣覺  
爾時緣覺執彼鉢孟猶如鵝王騰空自在現種種神變從虛空下還復本座復次貧人禮緣覺足而復告言汝為我食我為受福於第二日供養緣覺此人心淨悟解拯救貧人便受供養即時貧人從山谷而出彼聞軍王遙見緣覺住虛空中王生智慧而復思惟彼處應有大福德人天我今急速去見緣覺及彼人天王便入於山谷於其路中見彼貧人出於山谷時王問曰汝何處來貧人荅言我此處來王言貧人汝身鹿遊頭髮蓬亂衣服垢穢而不去除汝今云何遠離貧窮似我富貴觀汝實不能遠離貧窮彼人別王而忽思惟云何得一片殊妙田地又得多般美妙飲食百味具足思惟未已足蹈圓石忽然倒地於其彼處得一鐵甕滿中金寶其王至山見彼

緣覺面前而坐任後須臾而告子言我為折  
 福云何來日受我齋食緣覺答言大王我先  
 受請聞軍問言受何人請耶緣覺答言有一  
 貧人請我供養王遂發使告貧人言我請緣  
 覺齋汝別日請齋使臣到已具宣王旨貧人  
 不肯王乃親自詣貧人所而復告言我與緣  
 覺食汝別日設食彼言不得王言汝須移日  
 貧人言曰云何令我移日況我自有金寶定  
 伸供養王言汝本來貧窮我是刹帝利灌頂  
 王種汝却云何對我有金貧人告言王若不  
 信教王見金遂便同到出金之地有一鐵甕  
 傾出金寶積聚如山一邊人立兩邊不見王  
 乃思惟此人有如此福德彼人言曰我齋時  
 將至貧人於第二日淨除田地嚴飾殊妙散  
 諸蓮花摘樹枝葉作妙傘蓋設食供養時彼  
 緣覺復上虛空現種種神變  
 尔時彼人禮足發願如我此地散作蓮花願  
 我世世生生得彼天妙蓮花如我所造樹枝

傘蓋供養善願世世生生得瞻葡迦樹出瞻  
 葡花天紫金色如我尾器持食供養善根願  
 世世生生常得金盤滿盛天食假使百千人  
 食食之不盡而得值佛佛告波斯匿王汝須  
 思惟當時貧人者今婆羅門子金耀童子是  
 供養緣覺得彼善根快樂無邊一切願心皆  
 得成就佛說此經已彼諸苾芻一心頂戴歡  
 喜奉行

十末

佛說金耀童子經

路五

瞻葡 下音北 手掬 下音菊 捷稚 上音軌 下直  
反花名 反身反 反足反 反只反 反竹反 反竹反 反竹反 反竹反 反竹反  
 云 靴 庖 反蒲反 反 氣 吒 鷓 下竹反 鏹 反竹反 鏹 反竹反 鏹 反竹反 鏹 反竹反  
 反 抖 擻 二音 拯 救 上聲 麤 遊 上聲